

**VENDIM**  
**Nr.1617, datë 17.12.2008**

**PËR NJË NDRYSHIM DHE NJË SHITESË NË VENDIMIN NR.589, DATË 5.9.2007 TË KËSHILLIT TË MINISTRAVE “PËR RUAJTJEN DHE SIGURIMIN E OBJEKTEVE MË TË RËNDËSISHME SHTETËRORE”, TË NDRYSHUAR**

Në mbështetje të nenit 100 të Kushtetutës dhe të shkronjës “dh” të nenit 4 të ligjit nr.9749, datë 4.6.2007 “Për Policinë e Shtetit”, me propozimin e Ministrit të Brendshëm dhe të Ministrit të Ekonomisë, Tregtisë dhe Energjetikës, Këshilli i Ministrave

**VENDOSI:**

1. Në lidhjen 1, që i bashkëlidhet vendimit nr.589, datë 5.9.2007 të Këshillit të Ministrave, të ndryshuar, bëhen ky ndryshim dhe kjo shtesë:

a) Përmbajtja e numrit rendor 12 ndryshohet, si më poshtë vijon:

“12. Rafineria e Ballshit (KPTHN) të ruhet dhe të sigurohet nga Policia e Shtetit deri në përfundimin e procesit të privatizimit dhe dorëzimit të objektit nga Ministria e Ekonomisë, Tregtisë dhe Energjetikës.”.

b) Pas numrit rendor 13 shtohet numri 14, me këtë përmbajtje:

“14. “Tipografia ushtarake” sh.a. person juridik, në varësi të Ministrisë së Brendshme.”.

2. Ngarkohen Ministria e Brendshme dhe Ministria e Ekonomisë, Tregtisë dhe Energjetikës për zbatimin e këtij vendimi.

Ky vendim hyn në fuqi menjëherë dhe botohet në Fletoren Zyrtare.

**KRYEMINISTRI**  
**Sali Berisha**